



## Wat wullt du maken, wenn du groot büst?

Lisa fraagt Paul, wat he mal maken will, wenn he groot is. Paul giff Antwoort un beweegt sik ok dorto. (Dor kunn ok en drüdde Person insett warrn. Snacken in Riemels un Bewegen is jüst för de Anfängers goot un maakt Spaaß.)

Lisa: Paul, wat wullt du maken wenn du groot büst?

Paul: Wenn ik groot bün? ... En Maler wull ik gern woll ween: Nimm den Quast glieks in de Hand, klatsch bunte Farv an jeedeene Wand. (Malbewegung auf und ab an einer Wand)

Lisa: Schön. Un wenn dat nix warrt as Maler?

Paul: Wenn dat nix warrt? En Polizist weer ik woll gern: Stop bi Root un gah bi Gröön, dat finnt ok Autofohrers schön. (Stopp zeigen und weiterwinken)

Lisa: Schön. Un wenn dat nix warrt as Polizist?

Paul: Wenn dat nix warrt? ... En Sportler wull ik gern woll ween: Liegestütz geiht op un daal, maak dat Ganze noch eenmal. (Liegestütz machen und wieder aufspringen)

Lisa: Schön. Un wenn dat nix warrt as Sportler?

Paul: Wenn dat nix warrt? ... En Timmermann will ik gern woll ween: Klopp den Hamer jümmer weer, hau den Nagel in de Döör. (Den Nagel in die Wand schlagen)

Lisa: Schön. Un wenn dat nix warrt as Timmermann?

Paul: Wenn dat nix warrt? ... En Huusmann wull ik gern woll ween: Rubbel, rubbel Waschmaschien, de Wäsch de hang ik op de Lien. (Wasch auf dem Waschbrett und Wäsche aufhängen)

Lisa: Schön. Un wenn dat nix warrt as Huusfro?

Paul: Wenn dat nix warrt? ... En Musiker wull ik gern woll ween: Bum, tschick, bum tschick, bum tschicke bum, maak Musik op en ole Tunn. (Bewegung des Schlagzeugers)

Lisa: Schön. Un wenn dat nix warrt as Musiker?

Paul: Wenn dat nix warrt? ... En Ballerina wull ik gern ween. Rechts un links un nu plié, böög de Fööt un ok de Knee. (Bewegung Hacke, Spitze und Füße und Knie beugen)

Lisa: Schön. Un wenn dat nix warrt as Ballerina?

Paul: Wenn dat nix warrt? ... En Boxer, dat wull ik gern woll ween. Linke Fuust un rechte Fuust, de Snuut hau ik to Gruus un Muus. (Bewegung des Boxers)

Lisa: Schön. Un wenn dat nix warrt as Boxer?

Paul: Wenn dat nix warrt? Dat Müllauto wull ik gern föhren. All de Müll, de de Lüüd so stöört, wi mit dat Auto glieks wegföhrt.



Lisa: Schön. Un wenn dat nix warrt as Müllfohrer?

Paul: Wenn dat nix warrt? ... En Goorner wull ik gern woll ween. Blumen planten, Grööntüuchs plegen, wat dor wasst, will ik gern hegen.

Lisa: Schön. Un wenn dat nix warrt as Goorner?

Paul: Wenn dat nix warrt as Goorner? En Fleger wull ik gern woll ween. Seh de Bargen un de Wulken jüst so goot as all de Swulken.

Lisa: Schön. Un wenn dat nix warrt as Fleger?

Paul: Wenn dat nix warrt as Fleger? ... En Krankenpleger wull ik gern woll ween. Waschen, antrecken un vertellen, so mööt Kranke sik nich quälen. (Waschen und auf die Schulter klopfen)

Lisa: Dat is för wiss en schöne Opgaav.

Lesehilfe: Lies a, ah, aa (na, Nagel, Maler, eenmal, kaam, Opgaav) wie das „o“ in Sorgen.

Lies g (Slagtüüg) wie „ch“